

समे .1815

<><><><><><>

Headlines

1. प्रधानमंत्री नरेन्द्र मोदी होरें आखेआ जे आतंकवाद दे खलाफ भारत दी लड़ाई इडिग ऐ ते एह कदें बी नेई रूकोग।
2. गृहमंत्री अमित शाह होरें आखेआ जे जम्मू कश्मीर च विकास जारी रौहग, ते जेहड़ी ताकतां असेंगी नुक्सान पजादियां न उनेंगी बनकदा परता दित्ता जाग।
3. केन्द्री मंत्री शिवराज सिंह चौहान होरें आर.एस.पुरा जम्मू च विकसित कृषि संकल्प अभियान दी शुरूआत कीती, रूक्ख बूहटे लाने दी पैहल दी अगुवाई बी कीती।
4. सीआरपीएफ दे महानिदेशक होरें जम्मू च श्री अमनाथ जी दी यात्रा 2025 आस्तै सुरखा प्रबंधें ते तैआरिएं दी समीक्षा कीती।
5. आईपीएल टी-20 क्रिकेट च अज्ज संजा चंडीगढ़ च गुजरात टायटंस ते मुंबई इंडियन्स बश्कार एलिमिनेटर मकाबला खेड्डेआ जाग।

<><><><><><>

प्रधानमंत्री नरेन्द्र मोदी होरें आखेआ ऐ जे आतंकवाद खलाफ भारत दी लड़ाई अडिग लड़ाई ऐ ते कदें बी नेई रूकोग। उनें आखेआ जे आतंकवाद दा खतरा सीमा पार थमां होए इस मुख्य दे अंदर उसी पनपन नेई दित्ता जाग। मोदी होरें आखेआ जे पाकिस्तान ते दुनिया नै भारत दिएं घीएं दे सिंदूर दी ताकत ते आपरेशन सिंदूर दरान सीमा सुरक्षा बल दे अभूतपूर्व साहस ते पराक्रम गी दिक्खी लैता ऐ। एह गल्ल प्रधानमंत्री होरें कानपुर च केई सारी परियोजनाएं दा नीह पत्थर ते उद्घाटन करने मगरा आक्खी। उनें आखेआ जे आपरेशन सिंदूर दरान दुश्मन ने समुंद्री ताकत दिक्खी ऐ ते उसी कुसै गल्लफैहमी च नेई रौहना लोडचदा। आपरेशन सिंदूर अजे समाप्त नेई होआ ऐ। प्रधानमंत्री होरें आखेआ जे हुन मते चिर लेई एह खेड्ड नेई खेड्डी सकोग। जेकर कोई बी ऐसी हरकत होग, आतंकवाद आली कारवाई होगतां फही मुख्य दे दुश्मन कन्ने तेजी कन्नै निर्णायक तौर पर निबडेआ जाग।

<><><><><><>

केन्द्रीय गृहमंत्री अमित शाह होरें फही आखेआ ऐ जे जम्मू कश्मीर दे विकास दी रफ्तार हाल च होइ दिएं उकसावें आली कारवाइएं करी घट्ट नेई होग। उनें भरोसा दोआया जे भारत गी नुक्सान पजाने आली कुसै बी कोशश कन्नै सख्ती नै ते मजबूती कन्नै निबडेआ जाग। एह गल्ल गृहमंत्री होरें पुछ दे दौरे दरान आक्खी। उनें अपने दौरे दरान पाकिस्तान दी गोलीबारी करी पुज्जे दे नुक्सान दा जायजा लैता। उनें इस गोलीबारी करी प्रभावत परोआरें कन्नै मलाटी कीती। उनें इनें लोकें दिएं समस्याएं गी सुनेआ। उनें इस मौके पर बोलदे होई गृहमंत्री होरें आखेआ.....बाईट

गृहमंत्री होरें प्रभावत परोआरें गी माली सहायता बंडी ते गोलीबारी च मारे गेदे लोकें दे परोआरें दे नेडमे रिश्तेदारें गी नियुक्ति पत्र भेंट कीते।

<><><><><><>

Add HM JK

केन्द्री गृहमंत्री अमित शाह होरें कब्जा रेखा कन्नै लगदे इलाकें च रौहने आले लोकें लेई जेहड़े पाकिस्तानी गोलीबारी करी प्रभावत होए दे लोकें लेई विशेष राहत पैकेज दी घोषणा कीती। 90 ज्हार मजूदा बंकरें दे अलावा उनें बन्ने आले इलाकें च रौहने आले लोकें दी सुरक्षा गी निगगर बनाने लेई बाद्धू गैह पुट्टने लेई बी आखेआ।

<><><><><><>

राई-बाई ते करसानें दे कल्याण सरबंधी मंत्री शिवराज चौहान होरें अज्ज आर.एस.पुरा जम्मू दा दौरा लाया ते विकसित कृषि संकल्प अभियान दी इत्थें शुरुआत करोआई। इस मौके पर केन्द्रीय राज्य मंत्री डू. जितेन्द्र सिंह, जम्मू कश्मीर दे राई-बाई मंत्री जावेद अहमद डार, सांसद जुगल किशोर शर्मा ते होर दुए लोक मजूद हे। हर रोज इक बूहटा लाने आले अभियान तैहत् उनें बूहटे बी लाए। इस मौके पर बोलदे होई

<><><><><><>

विकसित कृषि संकल्प अभियान आले जतन दी शुरुआत सांबा जिले दी पल्ली पंचैत च बी होई। एहदी शुरुआत विजयपुर दे विधायक चन्द्र प्रकाश गंगा होरें कीती। इस मौके पर होर दुए सरबंध अधिकारी बी मजूद हे। एहदा मकसद करसानें गी जागरूक करना, उंदी आमदन च बाद्धा करना ऐ। इस मौके पर बोलदे होई विलयपुर दे विधायक चन्द्र प्रकाश गंगा होरें आखेआ.....बाईट

<><><><><><>

DG-CRPF

केन्द्री रिजर्व पुलस बल(सीआरपीएफ) दे महानिदेशक ज्ञानेन्द्र प्रताप सिंह होरें श्री अमरनाथ जी दी यात्रा 2025 आस्तै व्यापक तैआरिएं दा जायजा लैने लेई जम्मू दे भगवती नगर आधार शिविर च यात्री निवास दा दौरा कीता। अपने दौरे दरान महानिदेशक होरें सीआरपीएफ दी अननुदुट प्रतिबद्धता गी रेखाकित कीता ते आखेआ जे श्री अमरनाथ जी दी पवित्र यात्रा सब्बने श्रद्धालुएं आस्तै सुरक्षत, शैल चाल्ली संगठित ते गैह्राई कन्नै प्रेरक होए। इस ब'रे ज्हारें तीर्थयात्रिएं आस्तै सुरक्षत यात्रा अनुभव निश्चत करने आस्तै सीआरपीएफ दे समर्पण दा प्रदर्शन करदे होई, साजसमेयान दी तैआरीख सुरक्षा उपाएं ते स्थानी अजेंसिएं दे बश्कार नेड़मे तालमेल पर ध्यान केन्द्रित कीता गेआ ऐ।

<><><><><><>

पहलगाम च हाल च गै होए दे हमले दे परेंत सेलसफा गी परतियै पटरी पर आहन्ने दी कोशश च, भद्रवाह विकास प्राधिकरण दे मुख् कार्यकारी अधिकारी सुनील कुमार मुटिया लते एसडीपीओ भद्रवाह शौकत अली होरें सैलसफा आले हितधारकें ते मीडिया दे प्रतिनिधिएं कन्नै इक महत्वपूर्ण बैठक कीती। बैठक च कीती गेदी चर्चा खेत्तर च सैलसफा आली थाहरे पर सैलानिएं दी आओजाई खातर उंदा विश्वास ब्हाल करने आस्तै इक एकीकृत ते व्यापक रणनीति लागू करने दे आस्सै पाससै केन्द्रत ही। अधिकारिएं संभावित सैलानिएं दा जकीन बधाने आस्तै बेहतर सुरक्षा तंत्र, नेड़मा तालमेल ते सक्रिय संचार बवस्था दी लोड़ पर जोर दित्ता गेआ। कार्यक्रम दे दरान भद्रवाह विकास प्राधिकरण दे मुख् कार्यकारी अधिकारी सुनील कुमार मुटियाल होरें आखेआ.....बाईट

<><><><><><>

Shabd

प्रसार भारती – प्रसारण ते प्रसार आस्तै सांझे ऑडियो-विजुअल यानि पीबी शब्द नै यूट्यूबर्स, पॉडकास्टर्स ते वीडियो संपादकें गी मुफ्त सेवा प्रदान करने दे मकसद कन्नै पंजीकरण करोआने लेई साद्दा दिता ऐ। पीबी शब्द कॉपीराइट-मुक्त, प्रमाणिक ते इस्तेमाल च सुरक्षित सामग्री आस्तै इक उत्कृष्ट जरिया ऐ। पीबी शब्द, यूट्यूबर्स ते क्रिएटर्स आस्तै बिजन कुसै भुगतान दे मुफ्त ते प्रमाणिक मीडिया समग्री प्रदान करदा ऐ। शब्द कश 1,500 थमां मते रिपोर्टर, संवाददाता ते स्ट्रिंगर्स दा इक मजबूत नेटवर्क ऐ।

<><><><><><>

IPL

आईपीएल क्रिकेट अज्ज संजा महाराजा यदविन्द्र सिंह इंटरनेशनल क्रिकेट स्टेडियम गुलानपुर चंडीगढ़ च गुजरात टायटंस ते मुंबई इंडियन्स बश्कार मकाबला होग। कल रॉयल चैलेंजर्स बेंगलुरु नै जंदी रातीं खेड्ढे गेदे पैह्ले क्वालीफायर मुकाबले च पंजाब किंग्स गी 8एं विकटें कन्नै हराइयै फाईनल च अपनी थाहर बनाई लैती ऐ। चंडीगढ़ च कल रातीं पंजाब आसेआ दित्ते गेदे 102 द्रौड़ें दे लक्ष्य दा पिच्छा करदे होई बेंगलुरु नै छड़े 10एं ओवरें च गै जित्त हासल करी लैती। अज्जदे मैच दी जित्तू टीम दा पैहली जून गी दुए क्वालीफायर मैच च पंजाब किंग्स कन्नै मकाबला होग। दुए क्वालीफायर दी जित्तू टीम दा सामना त्रै जून गी फाइनल च रॉयल चैलेंजर्स बेंगलुरु कन्नै होग।

<><><><><><>

